



SPAREBANKSTIFTINGA FJALER



Årsmelding 2013

INNHOLD

- 2 Bakgrunn, føremål og eigarskap
- 3 Forvalningsstrategi
- 4 Gåver til allmennytige føremål
- 5 Egedelar, resultat, disponering av overskot
- 6 Styrande organ
- 8 Rekneskap med notar
- 14 Revisjonsmelding

Bilete: Dalsfjordbrua i desemberlys. Fotograf: David Zadig

Styret si årsmelding for 2013

Bakgrunn

Då Fjaler Sparebank 12.03.2010 valde å slå seg saman med Sparebanken Sogn og Fjordane, fekk vi ein ny bank med større slagkraft enn kvar av bankane hadde før. Formelt vart dei to bankane éin bank frå 01.09.2010. Ved samanslåinga vart ein stor del av grunnkapitalen i bankane overført til to stiftingar, Sparebankstiftinga Sogn og Fjordane og Sparebankstiftinga Fjaler.

Føremål

Vedtekten seier dette om føremålet for stiftinga

- *Stiftinga sitt føremål er å forvalte eigenkapitalbevis som stiftinga vart tilført ved skipinga, og å stå for eit langsiktig og stabilt eigarskap i Sparebanken Sogn og Fjordane.*
- *Stiftinga skal i tillegg plassere midlane på ein føremålstenleg og trygg måte ut frå omsynet til trygd, risikospreiing, likviditet og avkasting.*
- *Stiftinga sitt føremål skal vidare vere å gje gåver til allmennytige føremål. Ved sine disposisjonar skal stiftinga først og fremst ta omsyn til det distriktet som har bygd opp kapitalen til tidlegare Fjaler Sparebank.*
- *Ved si verksemd skal stiftinga støtte Sparebanken Sogn og Fjordane i banken sin vidareføring av sparebanktradisjonar.*
- *Elles kan stiftinga stå for anna verksemd som kan sameinast med nemnde føremål og sparebanklova.*

Eigarskap i Sparebanken Sogn og Fjordane

Det er dei to sparebankstiftingane som står som eigalarar av banken. Sparebankstiftinga Fjaler eig 5,88% av eigenkapitalbevisa i Sparebanken Sogn og Fjordane, Sparebankstiftinga Sogn og Fjordane eig 94,12%. Dei to stiftingane vel til saman 40% av medlemene i sparebanken sitt forstandarskap.

I stiftinga sin eigarstrategi er det slege fast at

- Sparebankstiftinga Fjaler skal vere ein langsiktig, stabil og aktiv eigar i SSF. Vårt eigarskap skal bygge på at SSF vidarefører sterke lokalbanktradisjonar i Fjaler kommune, samt at banken skal framstå som fylket sin leiande bankaktør.
- Vi vil oppretthalde eit eigarskap på minimum stiftinga sin grunnkapital (1.064.530 ek-bevis). Utover dette kan ek-bevis i SSF kjøpast og selgast som ledd i stiftinga sin kapitalforvaltning.
- Stiftinga har som føremål å bruke av overskotet til allmennytige gåver. Vi vil med vårt eigarskap aktivt arbeide for at SSF vektlegg god drift, med moderat risiko, og at kort- og langsiktige mål om kursutvikling ikkje går utover gode og løpande utbytteutbetalingar.

- Stiftinga vil søkje samarbeid med SSF på område som kan underbygge og styrke stiftinga og/eller SSF sin verksemd.
- Vi vil aktivt arbeide for å få posisjonar i SSF sine styrande organ der dette er føremålstenleg for å underbygge våre mål og ambisjonar.

Stiftinga er i dag representert i banken sitt styre, forstandarskap og i banken sin valkomite for forstandarskapen.

Forvaltningsstrategi

Egedelane i Sparebankstiftinga Fjaler består av:

Eigenkapitalbevis i Sparebanken Sogn og Fjordane (1 114 530 bevis)

Likvide midlar – bankinnskot på kr 20.494.617.-.

Det skal byggast opp ein likviditet over tid som tilsvrar om lag tre års drift i stiftinga (til drift og allmennytige gaver). Denne likviditeten skal i hovudsak vere plassert i bankinnskot og pengemarknadsfond.

Stiftinga sine likvidar er plasserte i bank, og har vore det heile året 2013, ved årsskiftet utan at noko hadde bindingstid. Det vert kontinuerleg vurdert å plassere midlane til betre avkastning, men samstundes med låg risikoprofil.



Bilete: Paraplydansen under Teaterfestivalen i Dale. Fotograf: Anniken C. Mohr (Klassekampen).

Gåver til allmennytige føremål

Styret i Sparebankstiftinga Fjaler har som mål at delar av stiftinga sitt overskot skal gjevast som årlege gåver til allmennytige føremål. Dette skal utløyse aktivitet og eigeninnsats og dermed auke trivselen i nærmiljøet. Stiftinga skal i si verksemd først og fremst prioritere gåver i det distriktet som har bygd opp grunnkapitalen (sparebanken sitt fond) i tidlegare Fjaler Sparebank. Styret legg vekt på god kunngjering og informasjon om gaveprosessen. Les elles om gaveinstituttet, tildelingane og reglane for å søke på www.ifjaler.no

Stiftinga la i 2013 opp til éin søkerndsrende for gåver til allmennytige føremål, med søkerndsfrist 1. mars.

Sidan første utdeling frå stiftinga hausten 2010 har stiftinga delt ut kr 4.208.500.-, fordelt på 183 tiltak/søkarar, av dette kr 806.500.- i 2013 fordelt på 39 mottakarar. Desse midlane har blitt tekne av avsette midlar til gåver i 2012-rekneskapen, kr 673.000.-, og kr 126.000.- frå midlar som var avsette, men ikkje utdelte tidlegare. Dessutan er det utdelt kr 7.500.- av inndregne midlar frå tidlegare utdeling. Kr 15.000.- av gavemidlane vart i 2013 avsett til «På Rappen». Dette er ei ordning der ungdom kan søkje på inntil kr 5.000.-, gjennom heile året, og få svar innan kort tid. Det står pr 31.12.13. att kr 19.950.- som unytta på denne posten. Det var i 2013 utdelt 2 gåver frå denne ordninga.

I 2011 byrja oppbygging av gavefond, der det vart avsett kr 186 000. Medrekna avsetjing for 2013, kr 402.000.-, aukar dette fondet til kr 812.000.-. Dette gavefondet er meint som ein reserve for framtida, dersom det skulle komme enkeltår der resultatet elles ikkje gir høve til gaveutdeling.

Støtta frå stiftinga gjev rom for ei stor breidde av tiltak innan kultur, idrett og nærmiljøtiltak, alt frå driftstøtte til små og store organisasjonar til støtte til store prosjekt, t.d. idrettsanlegg og forsamlingshus. Stiftinga har følgt opp sparebanktradisjonen med å gje driftsstøtte til dei mange laga i Fjaler/Holmedal som betyr mykje for aktiviteten og trivselen i sine bygder, men er òg med og støttar dei store prosjekta som er nyskapande og som medfører stor eigeninnsats. Stiftinga har m.a. ytt gave kr 100.000.- til oppstartmidlar, øyremerka til direkte elevretta tiltak, for IB-linje ved Dale vidaregåande skule.



Tømmertransport med hest frå Guddal til Lavikdalen. Frå NRK-opptak i 2013 under rekonstruksjon av denne tradisjonen.

Egedelar i stiftinga

Samla eigenkapital 31.12.2013 er på kr 130.617.289.-. Sum egedelar 31.12.2013 var kr 131.947.617.-.

Resultat

Renteinntekter, utbytte på aksjar og eigenkapitalbevisa er stiftinga sitt inntektsgrunnlag. Det er utbytte på eigenkapitalbevisa i Sparebanken Sogn og Fjordane for 2012 som er inntektsført i 2013. Driftsutgiftene er kr 652.698.-. Resultat finans er overskot kr 2.452.708.- og årsresultatet er kr 2.012.992.-.

I 2013 fekk stiftinga utbetalt utbytte på eigenkapitalbevisa med kr 1.808.080.- for 2012. Dette vert noko høgre i 2014 etter dei signal vi har fått frå banken. Utbyttet kan bli på vel 2 millionar, dersom forstandarskapen i banken følgjer tilrådinga frå styret. Auken skuldast at banken har eit godt resultat for 2013, og aukar utbytteutbetalinga. Samstundes er utbytet dårligare enn det ein kunne ynskt sett frå ein gåveutdelingssynstad. Men det er viktig for Sparebanken Sogn og Fjordane å auke eigenkapitalgraden sin, for å møte krava frå myndighetene. Det er tilbakebetalt kr 212.983.- i skatt som var innbetalet for 2010, og som var skatt av antatt skattepliktig del av kontantvederlag i samband skiping av stiftinga. Det vart i 2013 avklara at det ikkje skulle vore skatt på dette for Sparebankstiftinga Fjaler.

Disponering av overskot

Sparebankstiftinga Fjaler si generalforsamling vil kvart år fastsette storleiken på midlar til gaveføremål. Følgjande retningslinjer ligg til grunn for disponering av overskot til allmennytige gaver:

- Normalt vil årleg tildeling av allmennytige gaver utgjere inntil 60% av overskotet.
- Det vert prioritert å bygge opp gavefond som kan nyttast i år med svakare økonomiske resultat.
- Det kan i tillegg avsetjast 20% av overskotet til dette fondet.

Disponering av overskot 2013:

| | |
|--|---------------------|
| - Gåver til allmennytige føremål | kr 1.207.000 |
| - Avsett til gavefond | kr 402.000 |
| - <u>Avsett til annan eigenkapital</u> | kr 403.992 |
| Sum disponert | kr 2.012.992 |

Samla del disponert til gaveutdeling og avsett til gavefond utgjer 80% av overskotet.



Frå Einingsfjellet. Foto: Ingeborg Tysnes Opdøl

STYRANDE ORGAN I STIFTINGA

Organisering

Etter vedtekten skal stiftinga ha generalforsamling, styre og dagleg leiar.

Generalforsamlinga

Generalforsamlinga er stiftinga sitt høgste organ og vel styret sine medlemer.
Generalforsamlinga vel òg revisor og fastset styret og revisor si godtgjersle.
Generalforsamlinga godkjenner stiftinga sitt årsoppgjer og fører tilsyn med stiftinga si verksemd.

Desse sit no i generalforsamlinga:

Innskytarvalde:

Harry Standal, Dale
Per Nedrebø, Straumsnes
Karen Kvamme, (nestleiar), Dale
Atle Strand, Dale
Linda Strand, Dale
Ivar Haaland, Dale
Mari Kyrkjebø, Dale
Magn-Helge Brattelid, Dale

Varamedlemer:

Sigbjørn Solheim, Flekke
Sølvi Ann Solheim Løkkebø, Dale

Valde av kommunestyret:

Jonn Helle, Dale, leiar
Terje Halsnes, Dale, nestleiar
Ørjar Eiken, Hellevik
Harald Vik, Guddal
Marita Solheim, Dale
Hallvard Haaland, Flekke
Ole Jakob Nedrebø, Straumsnes
Kathrine Vesterås, Hellevik

Varamedlemer

Annbjørg Eikenes, Hellevik
Anny Mari Holm Solheim
Gunn Åse Løseth, Dale
Sandra Høgheim Brattelid, Dale

Styret

Etter vedtekten skal styret ha 4-5 medlemer og inntil 3 varamedlemer. Styremedlemene og leiar er valde for 2 år om gongen. To, vekselvis tre er på val kvart år.

Gjeldande styre:

| | | | |
|-------------------------|-----------|--------------------------|------------|
| Randi Engen, Guddal, | leiar | Marit Klausen, Holmedal, | medlem |
| Ingvard Flekke, Flekke, | nestleiar | Rolf Kleiven, Dale, | medlem |
| Kristin Kyrkjebø, Dale, | medlem | Joy Taylor, Dale | varamedlem |

Administrasjon

Ole Anders Hope ved Økonor HAFS Hope Rekneskapskontor AS har vore engasjert som dagleg leiar frå 01.07.2012.

Likestilling

Dagleg leiar er mann. Styret består av 2 menn og 3 kvinner. Styreleiar er kvinne. Det er ikkje planlagt spesielle tiltak for å fremja likestilling då styret ikkje er kjent med at det har vore forskjellsbehandling i strid med lov om likestilling.


Styret vil arbeide for at stiftinga har eit godt arbeidsmiljø og eit godt samarbeidsklima med tilsette i Sparebanken Sogn og Fjordane og Sparebankstiftinga Sogn og Fjordane.


Verksemda forureinar ikkje det ytre miljøet.

Vilkår for vidare drift er lagt til grunn ved utarbeidinga av rekneskapen.

Den framlagde rekneskapen gjev ei korrekt framstilling av stiftinga si økonomiske stilling.

Dale 07.03.2014


Randi Engen
Randi Engen, styreleiar


Marit Klausen
Marit Klausen


Kristin Kyrkjebo


Ingvard Flekke


Rolf Kleiven


Ole Anders Hope
Dagleg leiar

RESULTATREKNESKAP

SPAREBANKSTIFTINGA FJALER

| DRIFTSINNTEKTER OG DRIFTSKOSTNADER | Note | 2013 | 2012 |
|---|----------|------------------|------------------|
| Anna driftsinntekt | | | |
| Lønskostnad | 6 | 158 829 | 257 339 |
| Annan driftskostnad | 6 | 493 869 | 256 827 |
| Sum driftskostnader | | 652 698 | 514 166 |
| Driftsresultat | | -652 698 | -514 166 |
| FINANSINNTEKTER OG FINANSKOSTNADER | | | |
| Anna renteinntekt | 2 | 650 831 | 605 303 |
| Anna finansinntekt | 2 | 1 808 080 | 1 030 684 |
| Annan rentekostnad | | 6 203 | 36 |
| Resultat av finanspostar | | 2 452 708 | 1 635 951 |
| Oridnært resultat før skattekostnad | | 1 800 009 | 1 121 785 |
| Skattekostnad på ordinært resultat | | -212 983 | 0 |
| Ordinært resultat | | 2 012 992 | 1 121 785 |
| Årsresultat | 4 | 2 012 992 | 1 121 785 |
| DISPONERING | | | |
| Avsett til gaver | 4 | 1 207 000 | 673 000 |
| Avsett til gavefond | 4, 8 | 402 000 | 224 000 |
| Avsett til annan eigenkapital | 4 | 403 992 | 224 785 |
| Sum disponeringar | | 2 012 992 | 1 121 785 |

BALANSE

SPAREBANKSTIFTINGA FJALER



| EIGEDELAR | Note | 2013 | 2012 |
|--|------|--------------------|--------------------|
| ANLEGGSMIDDEL | | | |
| FINANSIELLE ANLEGGSMIDDEL | | | |
| Eigenkapitalbevis i Sparebanken Sogn og Fjordane | | | |
| Eigenkapitalbevis i Sparebanken Sogn og Fjordane | 3 | 106 453 000 | 106 453 000 |
| Sum finansielle anleggsmiddel | | 106 453 000 | 106 453 000 |
| Sum anleggsmiddel | | 106 453 000 | 106 453 000 |
| OMLØPSMIDDEL | | | |
| INVESTERINGAR | | | |
| Eigenkapitalbevis i Sparebanken Sogn og Fjordane | 3, 5 | 5 000 000 | 5 000 000 |
| Sum investeringar | | 5 000 000 | 5 000 000 |
| Bankinnskot, kontantar og liknande | 2 | 20 494 617 | 19 212 429 |
| Sum omløpsmiddel | | 25 494 617 | 24 212 429 |
| Sum egedelar | | 131 947 617 | 130 665 429 |


BALANSE


SPAREBANKSTIFTINGA FJALER

| | Note | 2013 | 2012 |
|-----------------------------------|------|--------------------|--------------------|
| EIGENKAPITAL OG GJELD | | | |
| INNSKOTEN EIGENKAPITAL | | | |
| Grunnkapital | 4 | 106 453 000 | 106 453 000 |
| Sum innskoten eigenkapital | | 106 453 000 | 106 453 000 |
| OPPTENT EIGENKAPITAL | | | |
| Annan eigenkapital | 4 | 22 945 289 | 22 541 297 |
| Gåvefond | 8 | 812 000 | 410 000 |
| Sum opptent eigenkapital | | 23 757 289 | 22 951 297 |
| Sum eigenkapital | 4 | 130 210 289 | 129 404 297 |
| GJELD | | | |
| KORTSIKTIG GJELD | | | |
| Leverandørgjeld | | 46 921 | 40 402 |
| Skuldige offentlege avgifter | 6 | 27 622 | 32 829 |
| Anna kortsiktig gjeld | 8 | 1 662 784 | 1 187 902 |
| Sum kortsiktig gjeld | | 1 737 327 | 1 261 132 |
| Sum gjeld | | 1 737 327 | 1 261 132 |
| Sum eigenkapital og gjeld | | 131 947 617 | 130 665 429 |

Dale, 07.03.2014
Styret i Sparebankstiftinga Fjaler


Randi Oddny Engen
 styreleiar

 Rolf Kleiven
 styremedlem


Ingvard Andreas Flekke
 styremedlem

 Kristin Kyrkjebø
 styremedlem


Marit Reidun Klausen
 styremedlem

 Ole Anders Hope
 dagleg leiar

NOTAR SPAREBANKSTIFTINGA FJALER 2013

NOTE 1. Rekneskapsprinsipp

Sparebankstiftinga Fjaler vart skipa 01.09.2010 og er lokalisert i Fjaler. Årsrekneskapen er sett opp i samsvar med reglane i rekneskapslova, norske rekneskapsstandardar og reglar for små føretak.

Hovudregel for vurdering og klassifisering av egedelar og gjeld

Egedelar skaffa til varig eige eller bruk er klassifiserte som anleggsmiddel. Andre egedelar er klassifiserte som omløpsmiddel. Krav som skal tilbakebetalast innan eitt år er klassifiserte som omløpsmiddel. Anleggsmiddel er vurderte til kostpris, men vert nedskrivne til verkeleg verdi når verdifallet ikkje er venta å vere forbigåande. Børsnoterte finansielle anleggsmiddel vert nedskrivne til marknadsverdi uavhengig av om verdifallet er venta å vere forbigåande. Anleggsmiddel med avgrensa økonomisk levetid vert avskrivne planmessig. Omløpsmiddel er vurderte til lavaste av kostpris og verkeleg verdi.

Marknadsbaserte finansielle omløpsmiddel

Aksjar, eigenkapitalbevis og andre egedelar som inngår i ein handelsportefølje vert vurderte for heile porteføljen til det lavaste av kostpris eller verkeleg verdi på balansedagen. Motteke utbytte og andre utdelingar frå selskapa vert vurderte som anna finansinntekt. Utbytte vert inntektsført når det vert utbetalt.

Varige driftsmiddel

Varige driftsmiddel vert balanseførde og avskrivne over driftsmiddelet si levetid.

NOTE 2. Bankinnskot, renteinntekter og utbytte

Renter frå innskot i bank utgjer totalt kr 640.546.- i 2013.

Sum inneståande i bank pr. 31.12.13 utgjer kr 20.494.617.-.

I 2013 er det motteke og inntektsført utbytte kr 1.808.080.- frå Sparebanken Sogn og Fjordane. Sparebankstiftinga Fjaler sine midlar har i 2013 kun vore plassert som bankinnskot. Av den grunn er det heller ikkje motteke utbytte på aksjar.

For 2013 vil det føreslegne utbyttet frå Sparebanken Sogn og Fjordane utgjere kr 2.066.313.- for Sparebankstiftinga Fjaler. Dette utbyttet vert inntektsført i 2014-rekneskapen.

Kr 22.450.- er bundne skattetrekksmidlar på skattetrekkskonto.

NOTE 3. Eigenkapitalbevis i Sparebanken Sogn og Fjordane

| | Eigarandel | Tal eigen- kapitalbevis | Pålydande | Kostpris |
|------------------------------|-------------------|------------------------------------|------------------|-----------------|
| Sparebanken Sogn og Fjordane | 5,88 % | 1.114.530 | 100 | 111.453.000 |

Stiftinga eigde 1.114.530 eigenkapitalbevis i Sparebanken Sogn og Fjordane pr 31.12.13. Desse er vurderte og bokførde til pålydande kurs kr 100.-.

1.064.530 av eigenkapitalbevisa til kurs à kr 100.- utgjer grunnkapitalen i Sparebankstiftinga Fjaler.

NOTAR SPAREBANKSTIFTINGA FJALER 2013

Note 4. Eigenkapital

| | Grunnkapital | Overkurs-fond | Annan eigenkapital | Sum eigenkapital |
|-------------------------------|--------------------|---------------|--------------------|--------------------|
| Pr. 31.12.2012 | 106 453 000 | 0 | 22 951 297 | 129 404 297 |
| Endringar ført mot EK | | | | 0 |
| Pr 01.01.2013 | 106 453 000 | 0 | 22 951 297 | 129 404 297 |
| Pr. 01.01.2013 | 106 453 000 | 0 | 22 951 297 | 129 404 297 |
| Avsett til gavefond | | | 402 000 | 402 000 |
| Avsett til annan eigenkapital | | | 403 992 | 403 992 |
| Pr 31.12.2013 | 106 453 000 | 0 | 23 757 289 | 130 210 289 |

NOTE 5. Marknadsbaserte aksjar, eigenkapitalbevis

| | 31.12.2013 |
|-------------------------------|-------------|
| Aksjar | 0.- |
| Eigenkapitalbevis | 5.000.000.- |
| Sum finansielle investeringar | 5.000.000.- |

Prinsipp for vurdering verdi av aksjar og eigenkapitalbevis:

Plassering i aksjar og eigenkapitalbevis som inngår i ein handelsportefølje vert vurdert for heile porteføljen til det lavaste av kostpris eller marknadsverdi på balansedagen. Netto realisert vinst/tap vert ført som annan finanskostnad.

Det har ikkje vore investert i aksjar i 2013.

NOTE 6. Løn og godtgjersle tilsette, dagleg leiing, styre og generalforsamling m.m.

| Lønskostnader | 2013 | 2012 |
|---------------------|----------------|----------------|
| Løner | 138 635 | 230 210 |
| Arbeidsgjevaravgift | 14 695 | 24 402 |
| Pensjonskostnader | 0 | 0 |
| Andre ytingar | 5 499 | 2 727 |
| Sum | 158 829 | 257 339 |

Gjennomsnittleg tal årsverk: 0,25 på årsbasis.

| Ytingar til leiande personar | Dagleg | |
|------------------------------|-----------------------|---------|
| | leiar | Styret |
| Løn | Sjå avsnitt nedanfor: | 115 300 |
| Pensjonsutgifter | 0 | 0 |
| Anna godtgjersle | 0 | 0 |

NOTAR SPAREBANKSTIFTINGA FJALER 2013

Økonor HAFS Hope Rekneskapskontor AS ved Ole Anders Hope er engasjert som dagleg leiar. Samla honorar for rekneskapsføring og dagleg leiing i 2013: kr 336 336.- inkl. mva.

Revisor

Kostnadsført revisjonshonorar for 2013 utgjer kr 29 500.-.

NOTE 7. Skatt

Sparebankstiftinga reknar seg som ei skattefri stifting i samsvar med skattelova § 2-32. Dette er i samsvar med praksis for tilsvarande stiftningar i Noreg. Skatt av formue og inntekt er difor ikkje avsett som kostnad i rekneskapen for Sparebankstiftinga Fjaler for 2013.

Ved skiping av Sparebankstiftinga Fjaler i 2010 vart det betalt skatt kr 212.983.-, av beregningsgrunnlag 3% av kontantoppgjer i samband med skipinga. Dette med bakgrunn i brev frå Finansdepartementet som uttalte at 3% av kontantoppgjeret var skattepliktig. Finansdepartementet hadde i denne samanheng uttalt seg generelt, og ikkje teke omsyn til at sparebankstiftingane var skattefrie institusjonar. Ved kontakt med Skatteetaten i 2013, kom denne saka fram att, og konklusjonen vart at desse 3% var skattefrie for Sparebankstiftinga Fjaler, og beløpet vart tilbakebetalt med renter.

Spørsmålet om skattefritak for sparebankstiftingar vart i 2012 endeleg avklara etter at Skattedirektoratet i ei generell vurdering har kome til at sparebankstiftingar kan fritakast for skatteplikt etter ei konkret vurdering av verksemda ved likninga kvart år.

Skattefritak kan innrømmast dersom stiftinga ikkje har erverv til føremål. Dersom stiftinga sin aktivitet i hovedsak er å forvalte dei midlar som vart tilført ved opprettinga, i den samanheng å utøve stabilt eigarskap i banken som stiftinga har sitt opphav ifrå, og driv allmennytig aktivitet ved utdeling av overskotet til allmennytige føremål, reknar Skattedirektoratet med at stiftinga vil kunne vere skattefri.

Note 8. Avsett til gåver

Det er av overskotet for 2013 avsett til gåveutdeling kr 1 207 000, og dette er ført opp under anna kortsiktig gjeld i balansen. Maksimalt kan det delast ut inntil 60% av overskotet til gåver kvart år, og det kan avsetjst ytterlegare 20% til gåvefond for framtida. Det er for 2013 sett av kr 402 000 til gåvefondet. Samla er det avsett 80% av overskotet til gåveutdeling og gåvefond. Gåvefondet står som eigenkapital under opptent kapital, og utgjer saman med tidlegare avsett; kr 812 000.

Styret i Sparebankstiftinga Fjaler har i 2013 delt ut gåver til almennytige føremål med kr 799 000. Av dette er kr 15 000 tilført På Rappen-midlane, som er ei ordning som ungdom i Fjaler/Holmedals-området kan søkje på gjennom heile året, og få tildelt inntil kr 5 000.

Av utdelte gåver er kr 451 950 ikkje utbetalt pr 31.12.13, og er bokført under anna kortsiktig gjeld.

Anna kortsiktig gjeld utgjer:

| | | |
|---------------------------------------|----|-----------|
| Avsett til utdeling av overskot 2013: | kr | 1 207 000 |
| Ikkje utbetalt av utdelte gåver: | kr | 451 950 |
| <u>Skuldig løn og feriepenger</u> | kr | 3 834 |
| Sum | kr | 1 662 784 |



Til styret i Sparebankstiftinga Fjaler

Melding frå revisor

Fråsegn om årsrekneskapen

Vi har revidert årsrekneskapen for Sparebankstiftinga Fjaler, som viser eit overskot på kr 2 012 992. Årsrekneskapen er samansett av balanse per 31. desember 2013, resultatrekneskap, for rekneskapsåret avslutta per denne datoен, og ei beskriving av vesentlege rekneskapsprinsipp som er nytta, og andre noteopplysningar.

Styret og dagleg leiar sitt ansvar for årsrekneskapen

Styret og dagleg leiar er ansvarleg for å utarbeide årsrekneskapen og for at den gir eit rettvisande bilet i samsvar med rekneskapslova sine reglar og god rekneskapsskikk i Noreg, og for slik intern kontroll som styret og dagleg leiar finn nødvendig for å gjere det mogleg å utarbeide ein årsrekneskap som ikkje inneheld vesentleg feilinformasjon, korkje som følgje av misleg framferd eller feil.

Revisor sine oppgåver og plikter

Oppgåva vår er, på grunnlag av revisjonen vår, å gi uttrykk for ei meining om denne årsrekneskapen. Vi har gjennomført revisjonen i samsvar med lov, forskrift og god revisionsskikk i Noreg, medrekna International Standards on Auditing. Revisjonsstandardene krev at vi etterlever etiske krav og planlegg og gjennomfører revisjonen for å oppnå tryggande sikkerheit for at årsrekneskapen ikkje inneheld vesentleg feilinformasjon.

Ein revisjon inneber utføring av handlingar for å innhente revisjonsbevis for beløpa og opplysningane i årsrekneskapen. Dei valde handlingane avheng av revisor sitt skjønn, mellom anna vurderinga av risikoane for at årsrekneskapen inneholder vesentleg feilinformasjon, anten det skuldast misleg framferd eller feil. Ved ei slik risikovurdering tek revisor omsyn til den interne kontrollen som er relevant for stiftinga si utarbeiding av ein årsrekneskap som gir eit rettvisande bilet. Føremålet er å utforme revisjonshandlingar som er formålstenlege etter tilhøva, men ikkje å gi uttrykk for ei meining om effektiviteten av stiftinga si interne kontroll. Ein revisjon omfattar også ei vurdering av om dei rekneskapsprinsippa som er nytta, er formålstenlege, og om rekneskapsestimata som er utarbeidde av leiinga, er rimelege, samt ei vurdering av den samla presentasjonen av årsrekneskapen.

Vi meiner at innhenta revisjonsbevis er tilstrekkeleg og formålstenleg som grunnlag for konklusjonen vår.

Konklusjon

Vi meiner at årsrekneskapen er avgjeven i samsvar med lov og forskrifter og gir eit rettvisande bilet av den finanzielle stillinga til Sparebankstiftinga Fjaler per 31. desember 2013, og av resultata for rekneskapsåret som vart avslutta per denne datoen i samsvar med rekneskapslova sine reglar og god rekneskapsskikk i Noreg.

Fråsegn om andre tilhøve

Konklusjon om årsmeldinga

Basert på revisjonen vår av årsrekneskapen slik den er skildra ovanfor, meiner vi at opplysningane i årsmeldinga om årsrekneskapen, føresetnaden om at drifta skal halde fram er konsistente med årsrekneskapen og er i samsvar med lov og forskrifter.

Konklusjon om registrering og dokumentasjon

Basert på revisjonen vår av årsrekneskapen slik den er beskriven ovanfor, og kontrollhandlingar vi har funne nødvendige etter internasjonal standard for attestasjonsoppdrag ISAE 3000 "Attestasjonsoppdrag som ikke er revisjon eller forenklet revisorkontroll av historisk finansiell informasjon", meiner vi at leiinga har oppfylt plikta si til å sørge for ordentleg og oversiktleg registrering og dokumentasjon av stiftinga sine rekneskapsopplysningar i samsvar med lov og god bokføringsskikk i Noreg.

Konklusjon om forvaltning

Basert på revisjonen vår av årsrekneskapen slik den er beskriven ovanfor, og kontrollhandlingar vi har funne nødvendige etter internasjonal standard for attestasjonsoppdrag ISAE 3000 "Attestasjonsoppdrag som ikke er revisjon eller forenklet revisorkontroll av historisk finansiell informasjon", meiner vi at stiftinga er forvalta i samsvar med lov, stiftinga sitt formål og vedtekten for øvrig.

Førde, 7. mars 2014
PricewaterhouseCoopers AS


Jan Flølo
Statsautorisert revisor